

- 432 -

Na osnovu člana 35. Zakona o principima lokalne samouprave u Federaciji Bosne i Hercegovine («Službene novine Federacije BiH», broj 49/06) i člana 25. Statuta općine Zavidovići («Službeni glasnik općine Zavidovići», broj: 5/08 i 5/a/08, Općinsko vijeće Zavidovići na 34.sjednici održanoj dana 31.05.2011.godine, donijelo je

## **ODLUKU**

o produženju prava korištenja dijela poslovnog prostora u šalter sali općine Zavidovići JP «BH POŠTA» d.o.o. Sarajevo, Centar pošta Zenica

### **Član 1.**

Produžava se, JP «BH POŠTA» d.o.o. Sarajevo, Centar pošta Zenica, pravo korištenja dijela poslovnog prostora u šalter Sali Općine Zavidovići, koje je utvrđeno Odlukom Općinskog vijeće Zavidovići broj 01-05-3430 od 26.07.2005. godine i izmjenom iste odluke broj 01-23-190/09 od 06.03.2009. godine («Službeni glasnik općine Zavidovići», broj 7/05 i 2/09), sve dok postoji potreba za zaključivanje Ugovora o komisionoj prodaji administrativnih taksenih maraka općine Zavidovići.

### **Član 2.**

Ova odluka stupa na snagu danom donošenja i bit će objavljena u „Službenom glasniku općine Zavidovići“.

OPĆINA ZAVIDOVIĆI  
- OPĆINSKO VIJEĆE -

Broj: 01-31-2324/11  
Datum: 31.05.2011.godine

(M.P.)

PREDSJEDAVAJUĆI  
OPĆINSKOG VIJEĆA

ing. Radosav Petrović, s.r.

## O b r a z l o ž e n j e

Pravni osnov:

- Član 35. stav 1. i 3. Zakona o principima lokalne samouprave FBH « Imovinom u vlasništvu općine mora se upravljati u skladu sa zakonom i drugim propisima, te u interesu lokalnog stanovništva i s pažnjom dobrog domaćina.

Vijeće odlučuje o pribavljanju, korištenju, upravljanja i raspolaganju imovinom jedinice lokalne samouprave.»

-Član 25. tačka 7. Statuta općine Zavidovići « Općinsko vijeće u okviru svoje nadležnosti : 7. donosi odluke o upravljanju i raspolaganju imovinom Općine;»

Razlozi donošenja odluke:

Odlukom Općinskog vijeće broj 01-05-3430 od 26.07.2005. godine i izmjenom iste odluke broj 01-23-190/09 od 06.-03.2009. godine JP «BH POŠTA» d.o.o. Sarajevo, Centar pošta Zenica, dato je pravo korištenje dijela poslovnog prostora u šalter sali zgrade općine Zavidovići, kao izdvojeni šalter prostor pošte lociran u lijevom uglu slobodnog dijela šalter sale, u površini od 4,37 m<sup>2</sup>, vlasništvo Općine Zavidovići, u svrhu vršenja prodaje administrativnih taksi kao i ostalih usluga pošte, sa mogućnošću produženja korištenja.

Kako je Općina Zavidovići i dalje zainteresovana da se u šalter sali općine vrši prodaja administrativnih taksenih maraka, a sve u cilju što kvalitetnijeg i efikasnijeg pružanja usluga građanima, te činjenice da je u proteklom periodu ostvarena uspješna poslovna saradnja po pitanju distribucije taksenih maraka Općine Zavidovići, to se predlaže Općinskom vijeću kao nadležnom organu za donošenje akata o raspolaganju imovinom općine Zavidovići, usvajanje odluke u predloženom tekstu.

OPĆINSKI NAČELNIK

Hakija Osmić, dipl.ecc.